

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Verna - A Dominica Septuagesimae, ad Dominicam SS. Trinitatis

**Haineuve, Julien**

**Coloniæ Agrippinæ, 1665**

Feria 6. De confusione Christi propter iniquitatem omnium nostrum quam  
Deus in eo posuit. Quæ in malo bona est confusio, in bono mala.

**urn:nbn:de:hbz:466:1-44214**

## FERIA SEXTA. DE CONFUSIONE CHRISTI, Propter iniquitatem omnium nostrum, quam Deus in eo posuit.

*Vere langores nostros ipse tulit, & dolores nostros ipse portavit, nos quasi oves erravimus, & posuit Dominus in eo iniquitatem omnium nostrum. Il. 53.*

### VERITAS PRACTICA.

*Quia in malo bona est Confusio, in bono mala est.*

*SENSVS & RATIO est, quod in malo seu peccato committendo Confusio seu Verecundia bona est, quia sic animus indicat se peccatum aver-*

*Sed in bono agendo se talis ad esset Confusio, quia il-*

*lud bonum aversaretur & refugeret, tunc mala esset.*

*Ergo quia in malo bona est Confusio, in bono mala est seu mala esse potest, nisi diligenter caveatur.*

### I. PUNCTUM.

**M**anifestè distinctus est iste dolor ab aliis. Ad eum autem intelligendum duo sunt presupponenda. Primum est, Christum Dominum innocentissimum agnum sic à peccato fuisse alienum, non modo ut nullum unquam potuerit committere, sed ut nullum à quo cunque commissum sustinere potuerit, quin maximè abhorret. Alterum est, quod non obstante illo naturali peccatorum horrore, omnia tamen omnium hominum peccata sic in se transstulit, aut sibi à Deo imposita sustinuit, ut se velut omnium delictorum reum intueretur, itaque coram Deo appareret.

Hoc est videlicet, quod ait Propheta, *Posuit Dominus in eo iniquitatem omnium nostrum, seu ut haber alia versio, transfire fecit in eum omnem iniquitatem. Hoc item est, quod scribit Apostolus, Eum, qui non norverat peccatum, fecit peccatum pro nobis, id est, victimam, quæ ei-*

ser velut onerata omnium & uniuscujusque peccato, atque ejus pœnas persolveret; sicut passer ille, de quo est in Levitico, qui dicitur *Levit. 16.* peccata populi portare. In hunc etiam sensum sic aperte sanctus Petrus: *qui peccatum non fecit, peccata nostra ipse pertuler in corpore suo super lignum.* Quod non melius explicari potest, quam si reprætentetur Sponsor seu Fidei iussor, qui se pro alio constituit, licet ille nullū culpa aut pecuniae debitum contraxerit, tamen perinde solvit, atque si esset reus aut debitor, sic Christus Dominus se Vadet & Sponsorrem nostrum constituit, sicutque in se omnem prositus iniquitatem transferens, debitas ei pœnas persolvit. *Quia non rapui, tunc exoluerebam. Non peccavi & pœnas dabam.* Sic de Christo sanctus Augustinus.

Hinc autem nata Confusio, & verecundi sensus ille pudoris, quo anima Christi se coram Deo velut indutam & opertam peccatis omnibus vidit, viditque Deum simul illis offenditum gravissime, & valde iratum, cùmque à se omnium pœnas exigeret, sibi quodammodo cernebat iratum, cùm irasci in Deo nihil aliud sit, quam pœnas exigere aut inferre; sic autem pœnas inferebat Filio Pater, quasi si peccator aut peccatum esset; *Propter scelus populi mei percusi eum. IN me transferunt ire Psal. 67.* Quo certè in statu Christus non poterat non confundi & non dolere vehementissime, sicut cùm in columna nudus apparuit coram populo, aut in veste alba vel purpurea deridendus, quis dubitat tum ejus vultum pudore & confusione suffusum? Sic suò modo interius coram Deo, cui soli est notum, quam sit peccatum horrendum & abominabile. Propterea sic filius Patri; *Tu scis, inquit,* *N. 2*

quit, *improperium meum & confusione meam,*  
*& reverentiam meam* quasi diceret, nemo scit  
 alius, neque id explicari potest; potest tamen  
 conjici ex Prophetæ loco, qui Christo adap-  
 tatur, *Ostendit mihi Dominus Iesum Sacerdotem*  
*magnum stanum coram Angelo Domini & Iesus*  
*erat induitus vestimenta sordida.* Quænam sūt  
 illa vestimenta sordida nisi peccata? & quid  
 est, sic operiri Christum peccatis nostris, nisi  
 sic confundi & erubescere, sicut nobilissimus  
 & delicatissimus adolescens sordidas vestes  
 abhorreter, & iis induitus confunderetur?

Hoc est scilicet esse Redemptorem, hoc est  
 esse Iesum & Salvatorem, nihil quidquam o-  
 mitttere eorum, quæ ad salutem nostram per-  
 tineant, licet confusione & rubore plena. Si  
 quid enim nos ab officio avocare soler, metus  
 est maximè confusionis & pudoris; sed bonū  
 Iesum nihil tale avertit, quin omnia sustin-  
 ret, ut nos doceret in malis quidem Verecun-  
 diam esse bonam & laudabilem, at in bonis  
 malam & culpabilem. Age Christo gratias, &  
**Ecclesi. 11.** quod monet Sapiens, *Gratiam Fidei jussoris ne*  
*obliviscaris, dedit enim pro te animam tuam.*

Tum quid sit, quod verecundia sit lauda-  
 bilis in malo, Vide & quām si verum; Quia  
 scilicet, quod verecundam & erubescimus,  
 indicamus nos nolle; nolle autem malū quis  
 non videt esse laudabile? Praeterea admodum  
**Serm. 8.6.** sanctus Bernardus de hac verecundia, *Lampas*  
**Cantic.** est, inquit, pudica mentis jugiter lucens, ut nihil  
 in ea turpe vel indecorum residere attenter, quod  
 non illa illicē prodat. Ita expuntrix malorum &  
 propugnatrix puritatis innate, specialis gloria  
 conscientia, & fama cūstos, rīta decus, virtutis  
 sedes.

Itāne erubescis, & metuis in occurso mali,  
 & peccati periculi? In honore oblato, in lau-  
 de auditæ, in aspectu fœminæ, & similibus  
 hujus virtutis objectis? an potius frons mulie-  
 ris meretricis facia est tibi, nolueristi erubescere?

## II. P U N C T U M.

**S**ED in bono agendo, si talis confusio adesset, ur-  
 aversaretur præterea illud bonum, nec vellet  
 facere, tunc mala esset & culpabilis.

Quis enim hoc non videat? Nam præter  
 quām quod bonum deseritur, sic bonum de-  
 serere pro tam levi causa, qualis est tensus ille  
 verecundiæ vel confusione, certè id auger-  
 culpam. Si tātum esset sensus vel primus mo-

tus ablque illo affectu, quo deseritur bonum, tolerari posset; nec enim est in nostra potesta-  
 te: aut si alia de causa bonum minimè impe-  
 ratum omittetur, id fieri posset sine culpa.  
 Sed illa duo simul juncta reddunt hanc vere-  
 cundiam valde culpabilem & reprehensibilem,  
 nempe omittere bonum vel committere ma-  
 lū præterea solum, quod confusio coram  
 hominibus timeatur; Hic enim manifestus  
 est respectus humanus, hoc est scandalizari de  
 Christo, hoc est ipsum erubescere, hic est lapis *Matt. 27.*  
 offensionis & hac petra scandali super quam qui  
 ceciderit confringetur, super quem vero ceciderit  
 conteret eum, ut ait Dominus.

Pleni sunt sacri Codices, & antiquorū pa-  
 trum Monuments pravibus inventivis con-  
 tra hujusmodi pudorem noxiū & pravam  
 verecundiam. *Christus*, inquit Tertullianus,  
*confusione confusione comminatur: Qui me In Gau-*  
*confusus fuerit coram hominibus, & ego confun- cos.*  
*dar eum coram patre meo qui in celis est; sciebat enim à confusione vel maximè formari negatio- Matri,*  
*nem, mentis statum in fronte consistere, priorem esse pudoris quam corporis plagam.*

Sanctus Gregorius, *Qui a rogo iste faceret in 25. M. 6.*  
 dolor apærarum, qui Christum erubuit inter fla-  
 gella verborum; Sanctus Augustinus. *Illi non est Cbrisji servus, sed subfannator & irritor, & eius se seruum dicit, cui seruire disimulat.* Idemque  
 alibi, *Quid facies quando dicet tibi, erubisti de humilitate mea, non era in claritate mea.* Ac  
 rursus, *Discedat mala verecundia, accedat sali-bris impudentia, si impudentia dicenda est.*

## III. P U N C T U M.

**E**rgo qua in malo bona est confusio, in bono Hom. 10.  
 mala est. Quæ quidem Veritas tota est san- in Eccl.  
 eti Gregorii, qui que eam fuisse sic declarat,  
 Sicut verecundia laudabilis est in malo, ita repre-  
 hensibilis est in bono. Erubescere enim malum, sa-  
 pientia est; bonum vero erubescere, fatuitatis; unde Scriptum est; Est confusio adducens peccatum, Eccl. 4.  
 & est confusio adducens gloriam. Qui enim eru-  
 bescit punitendo mala, quæ facit, ad uitia libertatem per venit; qui vero erubescit bona facere, &  
 statu rectitudinis cadit, atque ad damnationem tenet, sicut per Redemptorem dicitur; qui me erubuerit & meos sermones, hunc filius hominis erubescet.

Nota verbum fatuitatis, quo sanctus Pater Eut. 3.  
 utitur, neque fatuitas aperta est, timere con-  
 fusionem.

fusionem humanam, nec timere divinam, seu eam quæ à Deo verè timenda est. Nam si ex illa confusione humana, non vereris offendere Deum, confundet te Deus, confusione longiori; Et nonne hoc est esse fatuum, evitare minus malum, ut incidas in gravius? Cadent & infirmi erunt, ait Propheta, quia non intellexerunt opprobrium sempiternum. Atque idem rursus: Dabo eos in opprobrium sempiternum, & in ignominiam eternam, quæ nunquam oblivione delebitur.

Etramen quam multi sunt sic fatui, & quod pejus est, qui nunquam melius sibi fa-

pere videntur, quâni cum sic statui sunt. Cave offendas ad hunc lapidem. Serva libertatem ubique & semper, Noli erubescere testimonium 2. Tim. 1. Domini nostri. Non confunderis confiteri peccata Eccles. 4. tua. De qua Confusione imprimis cavenda sic aperte sanctus Bernardus. O verecundia ea- Ep. 185. pers rationis, inimici saluis, totius ignara hono-  
rus & honestatis; hac planè illa, quam Sapiens lo-  
quitur confusio adducens peccatum. Itane vere-  
cundum est homini vinci à Deo, & probro duci-  
tur humiliari sub potenti manu altissimi? O per-  
veritas! Non pudet inquinari, & abluvi pudet!

n. 10.

n. 13.

n. 17.

Instit.

rit.

Mar. 6

n. 10.

Ief. 4

## PRO EADEM FERIA QVADRAGESIMALI.

*Ad Evangelium, de Sanato Paralytico in Piscina. Ioan. 5.*

### VERITATES PRACTICÆ.

Vis sanus fieri? Quod videris tibi velle, velles quidem, sed verè non vis.

In 3. parte, Feria 2. hebdomada duodecima. Vbi tota hæc abunde refertur historia.

DOMINE, hominem non habeo. De Necesitate Directoris & usi directionis, In 1. parte, tota hebdomada tercia post Epiphaniam, & principiis 1. & 2. Feria.

SVRGE, tolle grabatum tuum, & ambula. Et statim sanus factus homo ille, & sustulit grabatum suum, & ambulabat. Quam sint hæc apta-

ad exprimendum perfectionis progressum, in  
caedem 1. parte habetur, ubi à Christo alius simili modo sanatur paralyticus: tota quarta hebdomada post Epiphaniam.

IESVS autem declinarit à turba constituta in loco: postea inventum est Iesu in templo. Cur sic à turba declinaverit, curve paulò post se spectandum in templo dederit, fusè declaratur supra dicto loco tertiae partis, unde est hæc Veritas valde practica:

Hæc est maximè laudabilis Humilitas, quæ si laudes fugit, ut laudanda non omittat.

## SABBATO DE DOLORE CONTRITIONIS Quem Christus Dominus valde sensibilem habuit.

*Ipse vulneratus est propter iniurias nostras, atritus est propter scelerá nostra. Is. 53.*

### VERITAS PRACTICÆ.

Vera Contritio dolorem sensibilem nec includit nec excludit.

RATIO EST, quia vera contritio in una est de-

testatione peccati propter Deum offendit. Sed illi detestationi neque necessarius est neque contrarius dolor sensibilis. Ergo vera contritio dolorem hunc sensibilem nec includit nec excludit; unde nec nimis anxiæ est quarendus si desit: nec si adsit, est repellendus.

N. 3.

IPSE

